

Uunga siunnersuut: Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr. xx, xx 2016-imeersoq

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Akissuteqaat

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Aappassaaneerinnineq

Naalakkersuisut sinnerlugit Inuussutissarsiornermut Ataatsimiititaliap sukumiisumik isumaliutissiissutaanut qutsavigaara.

Naalakkersuisut nuannaarutigivaat ataatsimiititaliaq isumaqatigiittoq siunnersuut akuerisassanngorlugu inassuteqaateqarmata, maluginiarlugulu ataatsimiititaliap inatsisiliornerup ataatsimut isigalugu, pingaartumik najugaqavissunik sulisoqarnissap anguniarneqarnerata tapersersortariaqarnerata pingaartinneqarnissaanik oqariartuutanut.

Naalakkersuisut ataatsimiititaliap kaammattuutaa eqqumaffigaat, tassalu maani takornariartitsisartut piginnaasaasa annertusarnissaat siunertaqartumik sulissutigineqassasoq, taamaalilluni tamakku piffissap ingerlanerani takornariartitsinerup iluani suliassanik annertunerusunik tiguisinnaalerniassammata.

Taamaalillutik Naalakkersuisut siunnersuut Inatsisartunut suliassanngortippaat, siunnersuutillu akuerineqarnissaa inassuteqaatigalugu.